

383-ч совхозин хөбчнр партъ болн правительствин дуудврт хярү өгчәнә

КПСС-н Центральн Комитет болн СССР-н Министрмүдин Совет бичсн „хө өсгльгьиг болн ноос гаргг-гьиг икдүлхин туск бичгиг“ болн үр Хрущевин йбрәлиг сонъсад, мана 383-ч совхозин хөбчнр хө өсгх болн ноос икдүлх шин эв-аргъ олв.

1957 джил эклхд мана совхоз 23904 хөбтә билә, ода совхозин хөд 34143 толгъа күрч өсв, терүнәс 1958 джил государствд өггдәд, 29920 хөн үлдх-мн. 1960 джилд совхозин хөбдин тонь 40000 толгъа күрч өсхмн. Тер цагт селәнә эдл-ахун эдлгдг 100 гектар газр болгъна тоод 142 толгъа хөн болдж өсх, эс гилж хөбнә өслт, 1955 джилд бәәсәр болхла, 2,4 холван өсхмн. Дакад болхла, хөбнәс гардг ноосн чигн икдн гилжәнә.

Ода чигн мана совхозин хөбдин 70 процентнъ багъ ноос өгдг, джөблн нооста цигейск тохмта хөд. Цигейск тохмта хөбг советск меринос тохмта хуцла харгъулад, хойр джилин туршарт тохминь ясрулсн учрар, совхоз ноос авх зурагъан 107 процент күргдж кўцәв. 1956 джилд селәнә эдл-ахун эдлгдг 100 гектар газр болгъна тоод 250 килограмм ноос авдг бәәсн болхла, 1960 джилд 720 килограмм ноосн авдн гилжәнә. Тер цагт мана совхоз государствд 1980 центнер цевр сән ноос орулдж өгч чадхмн.

Хөбнә то өсгхин кергт, тўрүләд малин хотин көрнъгиг батлх кергтә. Дакад кошармудин өбр тәрә болн олн джилә тәрмр өвс тәрлгънә газр-иг икдүлхмн. Ода кошарин өбр бидн 1000 шаху гектар тәрсн газртавдн. Эн джил, багъар өвс өгдг 1100 гектар гашута эмнг газриг хагълад, гань даадг өвс тәрхәр бәәнәвдн. 1960 джил мана совхоз тиим 3000 гектар эмнг газр хагълдж өвс тәрхмн (хар гуйр, суданк, сорго өвс). Терүнәс талдан олн джилә тәрмр өвсн люцерн болн житняк тәрәд, өсджәх хөбгъән сән

өвсәр тетгх бидн. Ташр деернъ, кошарин өбр эрднъ-шишә тәрәд, силок кенәвдн.

Мана совхоз 1957 джиләс авн экләд цуг отармудан үвләр болн эрхаврар хургълуллгънд орулджана. Эпкөдлмш хургъдиг бүрн-бүтн хадгълхд болн ноос киргългъиг икдүлх йир туста. Хө хәләлгънә көдлмш сән дамшлтта хөбч үр Венецкий Д. С. гурвн джил даранднъ зун хөн болгъна 128-134 хургъ авб, ах хөбчнр Бондаренко С. А., Григоренко С. Н. Понмарев А. Ф. талдан чигн улс хө өсгльгънд бас тедү мет көдлджәцхәнә.

Совхозин кўч-көлсчнр КПСС-н XX-хургин шиидвриг үзмджтә сәәнәр кўцәджәцхәнә. „Ставропольск крайд хамгин тўрүн болдж Хальмг таньгъч торгън ноос өгдг хө өсгльгън—эркн гол көдлмшнъ болх зөвтә,“—гилж үр Н. С. Хрущевин келсн үгиг кўцәхәр мана кўч-көлсчнр ик шунмгъа кевәр көдлджәцхәнә.

1956 джил мана совхозин 8 көдлмшчнр эврәннъ сән көдлмшәрн ончрсн төләдән, правительствин ачлгъар темдгльгдцхәв, 22 кун Цугсоюзин селәнә эдл-ахун гәәхүлд одцхала.

Мана совхозин көдлмшчнр, ода шиидирджәх хальмг келн әмтиг ик байр тагъар тосджана. Теднә ик зунь эврәннъ медрләрн дассн—дамшсн көдлмшдән олзлгдджана. Зәрмснъ гардг көдлмшт өрцхав. Совхозин гардачнр ирджәх әмтиг бәәх бәәрәр болн көдлмшчнр тетгджәнә.

Бидн, совхозин цуг кўч-көлсчнр бүрднъгъу сәәнәр көдлдж, Төрскн дән өгсн үгдән күрч, зургъадгч тавн джилә зурагъан цаглань кўцәхвдн

ТАМЕНЦЕВ Ф. П.,
383-ч номертә хө өсгльгънә совхозин директор.